

正定府志卷之七

災祥

秦

始皇十七年趙大饑地生毛

史記

按其時有趙哭秦笑視地生毛之語載事紀

漢

高帝七年月暈圍參畢七重

漢天文志占昂畢間天街也街北胡也街南中國也


昂為匈奴參為趙壁畢為邊兵是歲高皇帝自將兵擊匈奴至平城為冒頓單于所圍七日乃解

文帝後七年秋七月火東行畢陽環畢東北出西逆行

至昂即南乃東行

漢天文志占為喪死寇亂其年帝崩

災祥



昭帝始元某年太白入昴

漢天文志

按漢書不言其年星變無常也

元帝初元二年夏五月客星見昴分居卷舌東

漢天文志占有

妄言其年鉅鹿都尉謝君男以詐爲神人論死父免官

冬十一月客星見西方南至胃昴

文獻通考

成帝建始四年春正月隕石藁四肥壘二

文獻通考

秋七月歲星在關星西四尺熒惑從畢口大星東東北

往數日至往疾去遲

漢天文志占熒惑與歲星鬪有病君饑歲至河平元年三月旱

傷麥民食榆皮

成帝鴻嘉元年冬黃龍見正定

成帝紀

新莽建國元年正定常山大雨雹

漢書

按新唐書雹者陰脅陽也人君惡聞其過抑賢用邪則雹與雨俱信讒殺無罪則雹下毀瓦破車殺牛馬時新莽篡漢陰陽易位忠佞不明應之矣

二年常山郡邑大雨霧水深數丈流殺數千人

莽傳

光武帝建武七年夏四月日有暈抱白虹貫暈在畢八

度

文獻通考

九年秋七月月犯昴

古今注

十二年春正月有小星流百枚以上或西北或正北或

東北二夜止

漢天文志小星者庶民之類流行者移徙之象也是時西討公孫述北征盧芳

匈奴助芳侵邊漢遣將軍馬武騎都尉劉納闔典軍下曲陽臨平滹沱以備胡匈奴入河東中國未安米

穀荒貴民或流散後三年吳漢馬武又徙鴈門代郡
上谷關西四縣吏民六萬餘口置常關居庸關以東
避胡寇是小
民流移之應

夏甘露降南行唐光武紀

秋七月月犯昴頭兩星古今注

十五年春正月彗星見昴炎長三丈占大國起兵稍西北行

入營室犯離宮漢天文志昴為邊兵彗星入之為有兵一曰主獄事又營室天子常宮離

宮為后妃之所居彗星犯之是除宮室也後二年廢郭后應此

十六年春三月晦日食在昴七度文獻通考昴主獄事時冀部諸郡守坐度

田不實死十餘人

二十一年秋七月月入畢古今注

二十一年春三月晦日食在畢十五度

文獻通考畢邊兵冬十月伏

波將軍將兵擊武決蠻

明帝永平十四年春正月客星出昴六十日在軒轅右

角稍滅

漢天文志

十六年夏四月太白犯畢

漢天文志

章帝建初元年春正月太白在昴西一尺

漢天文志

和帝永元十六年夏四月客星從紫宮西行至昴五月

滅

漢天文志昴爲趙後二年清和王卽位是其應也

殤帝延平元年夏五月恒山崩

漢五行志是時鄧太后專政八月而殤帝崩

安帝元初三年夏五月太白入畢口冬十一月客星在

虛危南至胃昴

漢天文志

安帝延光三年春二月太白犯昴夏五月入畢

漢天文志

四年冬十一月太白犯畢

漢天文志

順帝永建六年春二月彗星昏見西北歷昴畢

文獻通考

桓帝永興元年秋冀州常山等郡國蝗水溢詔所在賑

濟

桓帝紀

獻帝建安二十五年秋八月鳳凰集石邑縣

舊志

三國

後帝建興十四年

魏青龍四年

夏五月太白犯畢左股

晉天文志

後帝延熙三年

魏正始元年

夏四月月犯昴東冬十月又犯

昂北

晉天文志

九年

魏正始七年

秋七月熒惑犯畢距星

晉天文志

十一年

魏正始九年

春三月彗星見昂長六尺色青白芒西

南指

晉天文志占昂為趙魏彗所以除舊布新主兵喪也

晉

惠帝元康三年春太白守畢百餘日

晉天文志占有急令之憂一曰相死

又為邊境不安後賈后陷殺太子

填星歲星太白三星聚於畢昂

同上占主兵喪畢昂為趙地由此構兵無寧歲

矣

惠帝永寧元年秋八月熒惑守昂

晉天文志占趙魏有災

災祥

惠帝太安元年東瀛王騰獲玉馬於正定晉五行志

騰自并州遷鎮鄴行次正定地並積雪而門前方數丈獨消怪而掘之得玉馬高尺許口齒缺騰以馬應國姓為瑞獻之然馬無齒則不得食衰亡之兆也後果為汲桑所殺天下亂

二年春二月太白入昴晉天文志占天

惠帝永興元年夏五月客星守畢晉天文志占天子絕嗣一曰大臣有誅時

諸王擁兵其後惠帝統終無嗣

二年秋八月有星孛於昴畢晉天文志占為兵喪

懷帝永嘉四年夏五月常山蝗晉書

元帝太興四年秋八月常山崩水出漳沱溢大水拔晉書

志行

石勒下令曰水出巨材所在山積將天欲繕修宮宇也其擬洛陽之太極起建德殿遣從事中郎任汪帥工匠數千

採木供之

按晉書常山濔水並時神溢爲太興四年事舊志作懷帝永嘉蓋未考也

成帝咸和六年冬十一月熒惑守胃昂

晉天文志占趙魏有兵

八年秋七月熒惑入昂八月月犯昂

晉天文志占趙地有兵是年石勒死

石季龍多所攻沒

九年夏六月秋八月月犯昂

晉天文志其年石宏爲石季龍所廢旋被殺

成帝咸康元年春二月己亥太白犯昂庚戌月入昂冬

十一月月又犯昂

晉天文志占兵起歲旱又曰應在胡

二年秋八月月犯昂

晉天文志

五年夏四月月犯歲星在昴又犯畢距星

晉書年來趙地連兵故星

變常在

昴分

六年夏四月太白犯畢距星

晉天文志占兵革起一曰女主憂

八年秋八月月犯畢

晉天文志占下犯上兵革起

冬十月月又掩畢大星

占同上

康帝建元二年春正月太白入昴

晉天文志占趙地有兵又曰天下兵起

穆帝永和元年春正月月入畢秋七月八月九月月皆

犯畢

晉天文志占兵大起

四年夏四月太白入昴

晉天文志是時戎晉相侵趙地連兵又甚

五年冬十月月犯昴

晉天文志占胡有憂將軍死

六年夏六月月犯昴

晉天文志占將相憂

七年春二月太白犯昴夏五月入畢口犯左股

晉天文志占冉

石國亡慕容兵起
趙地正無靖日

十年春正月月蝕昴

晉天文志占趙魏有兵

穆帝升平元年夏六月月犯畢

晉天文志占為邊兵

三年春三月月犯太白在昴秋八月又犯畢大星

晉天文志

占君死趙地兵又曰下犯上次年慕容儁亡
子暉立與苻秦連兵格殺其尚書令陽騫等

五年秋九月月掩畢冬十月又犯畢大星

晉天文志占有邊兵又下

犯上

帝奕太和二年春正月太白入昴

晉天文志五年慕容暉為苻堅所滅

按文獻通考作哀
帝與寧二年誤

孝武太元十年夏四月太白晝見於畢昴

晉天文志趙魏兵連苻堅

爲姚萇所殺
是其驗也

二十年冬十一月大黃星出於昴畢之分五十日

舊志

慕容氏太史丞王先曰當有真人起趙代間大
兵鏘鏘其鋒不可當未踰年魏王珪入常山
按魏書太祖皇始元年冬十一月黃星又見魏皇始
元年晉太元二十一年也又見承上先是出於昴畢
而言舊志所引爲始見
事作冬十一月非矣

安帝義熙五年春二月月犯昴

晉天文志占胡不
安天子破匈奴

三月恒山崩

綱目崩及四嶽非小變也故書華山
崩而漢亡至是書恒山崩晉亦亡矣

秋九月月犯昴閏月又犯昴

晉天文志

六年夏五月月掩昴三星秋九月填星犯畢

晉天文志
是年徐道

覆盧

循反

按魏書卽太宗永興之二
年天象志謂土犯畢爲兵

七年夏六月月犯歲星在畢

晉天文志占
趙有兵且饑

八年春正月月又犯歲星在畢

占同上

按魏書永興四年閏正月月
行昴犯熒惑晉天文無此異

十年春正月月犯畢

晉天文志占曰將
相有以家坐罪者

十一年春三月月入畢秋七月犯畢冬十一月入畢

晉天

文志占天

下兵起

按魏書爲神瑞二年天象志
謂四月十月月亦犯畢暈畢

災祥

十二年夏六月月犯畢冬十月又入畢

晉天文志

按星月凌犯疊見畢分常山民霍季司馬順之之亂應之

冬十一月魏常山郡上言木連理

魏靈徵志

十三年冬十月戊申月犯畢甲寅又犯畢

晉天文志

按魏天象志泰常二年無此異

十四年冬十一月魏中山行唐獻白雉

魏靈徵志

按魏書泰常三年十月有大流星出昴歷天津乃分爲三須臾有聲其占爲車騎滿野

宋

文帝元嘉五年

魏神麌元年

夏五月太白犯天街

魏天象志

十六年

魏太延五年

夏五月太白晝見冒昴入羽林遂犯畢

魏天
象志

十九年

魏真君三年

秋九月有星孛於天牢入文昌五車經

昂畢之間至天苑百餘日與宿俱入西方

魏天象志

二十六年

魏真君十年

夏五月彗星出於昂

魏天象志此天所以滌除天街

而禍髦頭之國也

按文獻通考作四月為元嘉二十八年事今依魏書正之

武帝孝建三年

魏太安二年

秋七月甘露降魏常山郡

魏靈徵志

順帝昇明三年

魏太和三年

春正月月暈畢

魏天象志占曰有赦

齊

高帝建元二年

魏太和四年

春正月月在畢暈參兩肩

魏天象志

三年魏太和五年秋八月魏常山獻嘉禾魏靈徵志

四年魏太和六年春正月月暈參胃昴畢夏五月犯昴魏天象志

武帝永明二年魏太和八年春正月月在畢夏四月犯昴魏天象志

象志

六年魏太和十二年秋七月月犯畢冬十二月又犯畢魏天象志

七年魏太和十三年夏六月月犯畢秋九月掩畢冬十月熒惑

又掩畢魏天象志

八年魏太和十四年春二月月犯畢魏天象志

九年魏太和十五年春三月月掩畢魏天象志

秋九月魏母極縣民李斑虎女獻容右手大拇指指甲下

江毛九莖長一尺二寸魏靈徵志

魏收曰劉歆謂貌之不恭是謂不肅上慢下暴則陰氣勝珣固以為六畜謂之既言其著也及人謂之
病貌言寢深也今觀尚書李冲所奏母極民是其徵矣

冬十一月月犯畢魏天象志

十年魏太和十六年夏六月月入畢秋八月冬十一月連犯畢

魏天象志

十一年魏太和十七年秋八月月入畢魏天象志

明帝建武三年魏太和二十年冬十月月在畢蝕魏天象志

永泰元年魏太和十二年秋九月月蝕昴魏天象志

廢帝永元元年魏太和十三年冬十一月月在畢暈昴十二

災祥